

國朝畿輔詩傳

國朝畿輔詩傳卷八

長洲陶

樸島薌輯

天津悔成陳樹君校

王熙

熙字子雍號荷庭宛平人崇簡子順治四年進士歷官保和殿大學士加少傅諡文靖祀賢良

有文靖公集二十四卷

四庫全書提要王文靖集二十四卷附錄一卷王熙撰是集爲其子克昌所編凡奏疏二卷頌賦一卷詩六卷文十五卷以自作年譜及行狀志銘碑傳附錄於末前有其門人張玉書吳震方二序又有朱彝尊序核其詞意皆熙在時所作而標題亦稱其諡或刊版者追改也畿輔通志是時三藩削平海內康樂熙入政務寬平持大體宣上德意悉心密勿夙

夜祇勤蓋居相位者二十餘年恩眷始

終如一君臣際遇尤為漢唐以來所僅見云

朱彝尊王文靖公傳公以精國書受知

世祖入直南苑未嘗歸沐羽獵不俟請

侍生及以學士掌宏文院時文貞公先任國史

院誠恪特加此恩比遺詔密有封奏秘不聞也

召至榻前草振肅紀綱多所建白懲貪示儉獎

掌都察院事持大體嚴狗庇察侵蝕裁冗員疏銓

廉正官方折亂萌言皆切實康熙十二年冬吳

法課官學南黔蜀姦人楊起龍詐稱朱三太子

三桂叛雲南黔蜀姦人楊起龍詐稱朱三太子

變幾生肘腋伏誅時三桂子應熊尚主

天子深仁不即誅公密書請誅之以消內變應

熊既伏法三桂始驚悸失措發病死公稟

聖天子方畧調遣羽書和調將吏卒以成功

先是漢官不與聞兵機至是特命公專

管密本中外咸知公以敬慎受心膺之寄廟

堂勝算所以任之者專而信之者至矣公遺書

一過目記憶不忘每奏對御前應答如
流熟于掌故遇事立剖決胸無永炭亦無柴棘
以善氣迎人雖新進必加獎誘樂成其名以是
五十年懸仕無親疏皆得其歡心主眷
益隆固其宜矣薨年七十有六
賜諡文靖時人比之李沆云
吳震方序公少從文貞公避地江浙杖履舟楫
與當時諸君子談讌風流文采輝映一時發爲
文章原本性道煌煌經世之言
彬彬華國之作海內奉爲規範

招隱詩

時移物屢變淹忽越歲年悠然念今昔撫景多牽纏高
天鴻鵠飛來往何翩翩乃知空曠中浩蕩靜所偏采芳
行未遲揮手脫塵筌山川雖云遠翹蹟矢夙緣相將度
層岑晴雲開紫烟翡翠接蘭若容華與相鮮放情拂霄

行投簪豫林泉

予亦何爲者馳驅朝夕間
荒途苦靡涯時事良所艱
緬彼巢居子高蹤杳難攀
幽蘭紉重襟曲徑日掩關
飄飄松風來清澗流潺湲
鳴琴巖壑中靜嘯心魂閒
安得褰裳遊駕言還北山

詠史

毛生昔淪沒囊錐蔽光耀
寄食平原門三年不被召
奮身在末行微受公子誚
當時十九人側目皆含笑
一定楚趙盟碌碌誰同調

讀中興盟詩有贈

家在漳河外秋來古北平
班荆揮玉塵把酒憶秦箏
蠟屐耽山秀扶筇對月明
何時遂幽訪相對挹孤清

送趙友沂下第歸揚州

別當秋雨後歸及塞鴻前
那有不平意翻生知己憐
人行沙岸小樹近夕陽偏
望望征帆遠清霜欲暮天

過故萬都尉伯石莊

駙馬園亭舊滄桑歲月深
荒榛埋曲徑羣鳥噪空林
陰洞朝光入虛堂野色侵
寒風發幽籟颯颯動愁心

季夏友人招遊海淀

芳草埋孤徑虛亭受衆香
開樽依老樹席地接橫塘
茵

苔紅兼白荻蒲綠漸蒼臨流吾欲醉隨意擘蓮房

香山

路入香山僻崔巍石磴斜到門流水繞尋徑白雲遮晴
日輝芳樹春風舞落花佳遊今始遂盡日癖烟霞

退谷

退谷鄰荒寺巖迴徑欲迷林巒分委曲亭榭足攀躋流
水堦前繞桃花屋角低幽尋興未已芳草自萋萋

春日扈從南海子觀大蒐

上苑回春馭傳呼夜漏催六龍雲裏下八陣日邊開細
草鳴鸞地雄風買駿臺應知宸算遠不爲詰戎

來

送泊水出守鳳翔

烟雨放春晴黃鸝水岸鳴飛花隨去路征雁亂離情日
落山光遠風和野色平思君回首處華嶽暮雲橫

惠山

日夕峯峯靜探奇隔水尋松陰覆小逕塔影落幽林避
亂欣乘興薄遊慚未深鳴榔人又去夢裏憶登臨

送別鐵山宗伯

言歸幾纜海邊槎十月清霜聽曉笳適意故宜彭澤柳
謀生且種邵平瓜風寒烟霧孤帆迴人遠關山落照斜

莫惜臨歧頻把袂應憐客夢自天涯

雲陽舟中送友東歸

朝來何事不勝悲寂寂離情怨子規惜別暫留寒雨夜
送行無奈曉風時深溪霧捲飛花片平野烟濛綠柳絲
東去江城相望隔天涯何日更追隨

送同年冀太守任襄陽

寒風萬木冷河橋極目南天路轉遙前引雙旌揮赤羽
新乘五馬勒金鑣紅雲京闕增鄉思白日湘江對落潮
此地猶歌大堤曲習家池上醉花朝

送四叔赴永州衛任

未別先愁送別時
潏行故欲緩行期
無端又值梨花雨
春色離情殢酒卮

上巳日聽歌偶成

銀箏錦瑟弄春暄
旖旎情懷窈窕魂
唱到一聲縹緲處
瀟瀟疎雨正黃昏

郝維訥

維訥字敏公霸州人順治四年進士歷官吏部
尚書諡恭定祀鄉賢

四庫全書提要郝恭定集五卷郝維訥撰是集
凡都察院奏疏八篇刑部奏疏四篇禮部奏疏
一篇戶部奏疏九篇吏部奏疏六篇其禮部請
行釋奠疏戶部稅銀款目疏皆註疏存部案字

蓋當時同官公議而維訥具草故仍刻之私集也

幾輔通志維訥初登進士與父傑同朝士大夫爭為欣羨而維訥恂恂有儒素風歷官三十餘

年家無

餘資

王熙郝恭定公墓志公精於吏事其所區畫人設方畧挫其鋒復用間散其黨羽自盛就擒撫按交薦至錢法侍郎上言清鑄本收匠作視銓政持大體言官論事失實例不免公疏請寬言路處分例謂從來治亂關於言路通塞優容而嘉與猶恐讜言不至豈可因而加罪在農部四載為冢宰九年兩部法經公裁定者至今守之不變

寄題五老峯

廬嶽崑崙隱列仙五峯離立蔚藍天玉膏瑤草襟期外

白鶴青牛警欬邊極目蓬萊唯一氣共餐沆瀣自何年
終期振策三梁上賓主逢迎意儼然

谷應泰

應泰字廣虞號霖蒼豐潤人順治四年進士歷
官浙江按察司僉事有築益堂詩集

四庫全書提要明史紀事本末八十卷谷應泰
撰其書仿袁樞通鑑紀事本末之例纂次明代
典章事蹟凡八十卷每卷爲一目當應泰成此
書時明史尙未刊定無所折衷故紀靖難時事
深信從亡致身諸錄以惠帝遜國爲實於滇黔
游蹟載之極詳又不知懿安皇后死節而稱其
青衣蒙頭步入成國公第俱不免沿野史傳聞
之誤然其排比纂次詳畧得中首尾秩然於一
代事實極爲淹貫每篇後各附論斷皆仿晉書
之體以駢偶行文而遣詞抑揚隸事親切尤爲

曲折詳盡考邵廷采思復堂集明遺民傳稱山陰張岱嘗輯明一代遺事爲石匱藏書應泰作紀事本末以五百金購請岱慨然予之又稱明季稗史雖多體裁未備罕見全書惟談遷編年張岱列傳兩家具有本末應泰並採之以成紀事據此則應泰是編取材頗備集衆長以成完本其用力亦可謂勤矣

游道場山

豐潤縣志應泰狀貌奇偉博聞強記順治丙戌舉於鄉丁亥成進士授戶部主事陞員外官兩浙提學校士一乘至公所拔皆一時知名士創立書院於湖山之巔浙人德之馬慧裕序錄蒼先生詩意厚詞和風飄乎唐之遺音而不入于纖穠流易

丹岑連絕漢金刹倚晴空花散珠林雨松迴古殿風寒
烟生樹杪孤磬落雲中尙有荒亭在憑軒憶遠公

台州寇平志喜兼呈中丞陳公

傳聞橫海捷書旋夜奏明光玉几前已見鯨鯢消島嶼
何煩鵝鷁下戈船饒歌入塞千山月鐵甲歸屯萬井烟
不是王師無戰伐孰令滄海盡堪田

南明山

洞壑何年代亭臺一望遐空梁危渡馬古寺暗藏鴉徑
曲盤雲上溪長帶郭斜澗流芳杜氣風落刺桐花村樂
驚山鳥游驂亂晚霞虎蹲谿逼仄猿挂樹交加蠟屐情
偏遠摩崖與轉矚巖傾懸石乳僧老飯胡麻瑤草侵堦
短瑣窗宿霧遮何時容白衲有地覓丹砂坐歎征塵迫

春江理釣槎

張坦公先生放鶴亭招飲

春風楊柳盡垂絲
湖海飄零對酒卮
忽憶彭城今夜雨
滿庭芳草鶴歸遲

李昌垣

昌垣字長文宛平人
順治四年進士官侍讀學士

瓜洲

新柳近危城
晴波燕子輕
潮聲環郭遠
春色渡江明
細草烟中密
高林雨後平
疎籬臨曲岸
小泊聽啼鶯

富春

芳草無高下疎烟處處通亭臺一水外邱壑百花中石
古莓苔氣江寒炸艤風羊裘吾可老疎雨釣磯空

客晉陵除夕

今夕高堂宴無端客裏過焚香聊對酒彈鋏不成歌景
物他鄉異風光帝里多梅開春信至莫惜醉顏酡

馬鳴蕭

鳴蕭字和鑾號子乾又號乾若青縣人順治四

年進士官工部營繕司員外有惕齋詩草一卷

天津府志鳴蕭授湖州府推官辛卯分房校士
得人爲盛奉勅蕪湖抽分溢額二萬一千餘

兩轉營繕司員外郎致政
歸優游林泉性嗜吟咏

詠懷

空谷得高士棲遲守敝帷
鳴禽饒夕氣流水靜朝暉
評史存疑信尊經識指歸
客來深柳下相對製荷衣
小卧不成睡掩關尋舊題
調餓田百畝扶病藥千畦
虛牖雲初住閒堦鳥亂啼
黃花姿正好愛客且相攜

錢 綖

綖字瞻海元城人順治四年進士歷官都察院

副都御史

壬子冬月早朝值各國貢使

顛倒衣裳問啟明 上林喬木鳥嚶嚶廷臣有骨風霜

老 天子無私雨露清香勃 御爐 金殿暖珂

鳴 皇路玉堦平四方底定封章少百譯來同拜

晃紘

余一元

一元字占一號潛滄臨榆人順治四年進士官

禮部儀制司郎中祀鄉賢有潛滄集八卷

四庫全書提要潛滄集七卷余一元撰是集卷一為四書解卷二至卷六為雜文卷七為詩其次韻答張築夫詩有良知自是姚江旨躬秉幾亭夫子傳句附載張贈詩有姚江絕學重開闢直續良知兩字傳句蓋其學出於陳龍正集中所謂幾亭師者龍正別號也故其四書解中以

小學爲格物而深譏朱子補傳爲非猶宗王守
仁之說而小變之者也是集其所自編卷端有
凡例六條述所以編次之意甚詳然詩文皆不
入格觀其自編而自發凡例或自謬或自恕儼
如刪纂他人之集者是於古來著述
體裁皆未及考則所作可畧見矣
臨榆縣志一元登進士初授刑部主事遷禮部
歷儀制司郎中端方謹飭時以清正稱引疾還
里閉戶著書未嘗以事干當事若事關學校及
地方興革大務必力爲救正遠近倚爲師表
紅豆樹館詩話宋玉叔安雅堂集有留別余占
一儀部七律云鳴珂猶憶醉新豐一別青門歎
轉蓬持節偶過君子里拂衣真見古人風書來
但話山中桂客去應憐塞上鴻朋輩霜髯君獨
早於今衰鬢已相同當時玉叔已
以古人相推則儀部之風槩可想

重九登首山

佳節宜登高杖履首山隅冠蓋集僚友紳儒接歡娛大

海亘蒼茫層巒積崎嶇一水紆曲流怪石蟠覆孟樵探
互來往烟雲乍有無古廟羅盤餐亭趾飛濃醺樵豎向
我言猛虎初負嵎醉後膽愈壯叱咤憑高呼薄暮聯鑣
散山空秋月孤

李世治

世治字君渥東鹿人順治四年進士官按察司

僉事

憂旱

憶昔恬家食生長依京國黍稷紛盤盂孰知豐與嗇詎
來典荒城酷旱今孔棘人力旣已疲天道渺難測蟠龍

蟄重淵勁焱秋弗息石爍川爲陸泉源斷溝洫農夫釋
耒悲耗斁盡土殖邑小遺人稀豈堪徧菜色骨肉念散
亡相持淚填臆兒女戒投河夫妻爭引墨甘心死一處
不忍生惻惻觸目此倉皇捫心實傷盡鬼魅亦何形欲
殺安可得

社稷係民生軍國急賦稅輸將惟稼穡空園奚攸濟司
農仰屋嗟徵符踵相繼淤潦去年禳蘊隆苦今歲啾啾
中野鴻溝渠旦夕勢饑殍責正供恐非廟堂計緬焉懷
古人因時廛調劑九載龠山咨七祀桑林誓殷憂啟聖
心修弭握真契河南制可專青州澤無際所願在秉鈞

力撤下土蔽高高如未聞小吏徒跋扈胡由獻此篇長
歌爲流涕

張繼鑑

繼鑑字季超大興人順治五年舉人

落葉

忽爾驚秋至飄然破曉空自難禁夜露偏易惹天風雁
叫長林捲蛩悲滿砌紅山容愁太淡幾點綴寒叢

徐兆慶

兆慶字易齋天津人順治五年舉人官山西潞

安府推官

初秋雜感

一葉驚時到井梧蕭然天籟賦笙竽芙蓉欲傍湘江冷
砧杵頻敲月夜孤旅鬢久拚同古雪行蹤漫自說樵蘇
平分秋色笑囊裏何事風流乞鑑湖

多宏安

宏安字君修號畏菴阜城人順治五年拔貢生
歷官江西布政使司

阜城縣志宏安授廣東靈山令縣當兵燹後地
荒賦逋力請將積欠題免民慶更生戊申遷奉
天承德令察挾旗抗法者送部繩以法滿漢
服壬子升陝西延安府靖邊同知丁巳補江南
淮安府山盱河務同知時山陽西南高堰長隄
潰決淮水盡奔高寶下流不復北出清口抵黃

黃遂直射與河運道淤淺隨尾淮入海無山會
清口下雲梯關而趨海故海口一帶盡墊公與
總河籌策先築高堰以束淮敵黃并治爛泥淺
諸故道導清入裏河運道乃通且修築兩岸及
河口清江大閘暨雁翅諸工與淮工相表裏然
清河遠雲梯關數百里葭葦榛蕪壅塞故道則
以水攻沙之法塞周橋高澗閘座使清淮旁無
所洩而蓄全力以攻積沙會戊午大雨淮水盛
漲與黃并驅入海于是治淮治黃治運并收成
效庚申升臨安府王戊特簡淮揚道乙
丑升安徽按察使是年冬例應入
河臣開濬下河治高堰皇上特勅大臣
會勘宏安具疏條陳謂高堰之工無論下河開
濬與否亟宜加治至堰上加工之法砌石工則
必先打地釘湖底水深費帑甚繁若用板工埽
工水勢蕩掣尤易摧殘若用密釘排椿內灌碎
石以敵風浪庶為兩全且可節省金錢十餘年
後黃河刷深則河湖之水而俱卑而高堰下河
亦可漸次就理疏入部議如所請行已已轉江
西布政使歸里後值黃運兩河潰溢當事者欲

疏請起用
會病卒

石湖

暇日躡雙屐探幽到水濱
風光梳岸草鶯語醉遊人
棹破一天水花明萬樹春
湖山需佐理邱壑見經綸

九日

寒山瑟瑟樹蒼蒼
佳節偏從客裏忙
落帽向誰羞短鬢
佩萸憐我在他鄉
洞庭秋水連天碧
鄂浦西風起霧黃
彭澤已無陶令酒
菊花何事勸飛觴

郝浴

浴字冰滌又字雪海
後更號復陽定州人
順治

六年進士歷官廣西巡撫祀鄉賢有中山詩集

四卷

梁清標傳公年十六輒高自期許有澄清斯世之志崇禎間避難山中猶讀易不輟留心世務慨慕古人不屑爲俗儒章句之學順治丙戌舉於鄉已丑成進士起家刑部廣東司主事兼攝浙江司郎中吏不能欺尋改授湖廣道御史巡按四川是時巨寇劉文秀盤踞滇黔川中尙多代葬屠戮之後一望空墟有司率皆營弁委署職業不修公至披荆棘立約束微行廉得其狀力事清釐兵將斂手吳三桂方握重兵駐蜀軍無紀律每結隊逃亡肆劫憚公嚴正令各路不發塘報公疏發其奸三桂意陰忌公迨雨路敗劔東西川俱陷三桂棄川北退至綿州欲回漢中公亟檄司道馳騎慰諭逃卒揚言秦兵旦夕至又遣健兒飛檄邀三桂等赴援貴以大義謂不死於賊必死於法一晝夜凡七往三桂不得已始回保寧然猶豫未決公多方譬曉面授

方畧乃決策固守俄賊至保寧踞錦屏山勢張甚公憑堞指揮矢石過耳屹不爲動賊夜渡嘉陵江繞出城後公徧歷行間激發忠義將士踴躍背城迎戰無不以一當百竟奏大捷是役也公功居多世祖知公才堪辦蜀詔問收拾全川實著公具疏前後數十上皆荷少并納三桂挾王爵驕貴意持兩端而公以少年書生獨挺身與抗不爲小屈且密陳其跋扈狀三桂銜之切骨朝廷頗賞酬功公以得不得賞失疏辭不受益與三桂忤思有以中之先是司道革顯忠等類以將弁改授公奏劾仍改武用至是三桂摘公疏中目不識丁之語嗾顯忠訐於朝公竟坐降調閣臣成公克鞏呂公宮張公端合薦公才堪大用三桂悉公柄用乃摭拾前疏指爲冒功欲置之死世祖察其枉流徙盛京公至徙所益潛心聖學尤嗜孟子及二程遺書築室三楹顏曰致知格物之堂危坐其中垂二十年三桂反特旨取還仍補御史巡視兩淮鹽課加太僕寺少卿淮揚大禋道礪相屬公倡議設六厰賑饑全活數十百萬

人在差卽擢僉都御史未閱月再晉左副都御史明年遂命巡撫廣西以苦瘡癘卒士民巷哭者三日公孝友真篤少時念祖喪未葬輒自指左臂以志痛爪痕深入膚理其至性有過人者負才卓犖有膽畧憂患之後更選於學勇於爲義赴人之急不啻疾痛之在身獎借人才惟恐不及雖歷艱難而用世之志彌久不衰至當大事他人張皇失措公不動聲色處之裕如爲文奇嫺單詞片語妙絕天下

彭紹升思賢詠一劍挂危城銳氣何嶄峩觸邪微無將要使亂源窒翛然遠海濱不出尼山室寥廓天壤間魏公秉直筆

弔明蜀撫軍葆一張公

崇明昔遭亂明綱猶未委豈無心膂臣徵兵及蛇豕駕馭豈盡乖天地合瘡痍蜂動翕百蠻流血殷淪水燦燦

芙蓉城旦夕將摧圯公持霜斧出椎牛誓介士撻伐固
有威忠孝亦有理遂令執殳衆感激厲廉恥復城二十
七恢地二千里至今溪峒中談公猶擊齒再有邦彥亂
永寧盡賊壘公膺節鉞來將卒六千耳殲滅十萬寇迅
若掃浮蠹距今三十年蜀運未休否獻逆揚其波羣盜
縱橫起強壯膏郊原老弱委泥滓鱗鱗萬家邑化作榛
與藟每每千頃禾鞠爲稂與秕浴也叱馭人志在遵前
軌遺民一何寡交以生爲累蜀吏一何弱爭以黜爲喜
吏民亦人情致此良有以師行動以萬邑民百十止豈
暇事耕耘不足供驅使况復滇黔間伏莽叢奸宄永寧

未遽人渝城師暫已賴有保寧捷經畧從茲始公當明
祚衰建豎偉若彼予當服官初匡濟僅如此明明忠盡
業胡爲遜君子豐碑吹作塵蔓草迷祠址聊採故老言
題詩付青史哀哀巴渝人公在爾不死

贈吳蘭次

瓊花不復豔奇麗觀斯文一斗新豐酒三生白練裙高
名懸粉署盛事滿松雲何楷讀書後風流併在君
越國推名守輕帆及汝逢雪飛天目白梅破道場紅半
楊遲徐穉一樽思孔融京華餘故舊日望五雲中

江夏別任月坡

十載重逢汝離筵酒數巡青山留客夢白舫接征人漏
下琴三疊帆懸月一輪相思何處覓愁煞九江鱗

同王無煩李木齋遊石氏祇園

側身雙樹入花氣浣衣裳不道千年雪融成百合香鮮
紅嬌小築舊翠溼迴廊尙有來巢燕呢喃問覺王

懷撫生下第

一第寧君重悲看世態分無言識孟敏誰解愧劉蕡樹
暗瀛津路鶯啼賈島墳人間有矢志不復顧離羣

聞寇

芥上平蠻頌輕傳諭蜀文羌江生怒浪溪洞結愁雲楚

蜀兵難合黔滇勢未分近聞涪水寇剽劫日成羣

感懷

未盡當時意空餘遲暮心鄉關青嶂合杖履白雲深舊
事息塵影虛懷放古今好留牕外月清夢五更尋

周體觀

體觀字伯衡遵化人順治六年進士官江西南

議道有晴鶴堂集十六卷

施閏章序伯衡爲人坦直倜儻簡脫聲利言天
下事可否人物文章高下輒軒然必盡吐其胸
中無所俯仰蓋立朝若忘其官到官若忘其家
生平謫法杜陵其所爲令支道中雜咏似杜秦
州諸詩他若感時贈友觸興成篇真氣淋漓股
肱之目浩然所謂半臻雅調全削凡體其庶幾

乎

王士正香祖筆記周伯禪外補九南道與施愚
山同爲江西監司又同年也其風流好事畧相
似有過黃州詩云不見當年劉克猷西風吹淚
古黃州舊時江路能來否落日招魂古驛樓真
不愧古人也

從軍詩

烏啼忽不樂颼風何激蕩黑雲如堵牆戈船失回向幕
庭萬馬鳴偏師已扼吭血祭蚩尤旗朱殷翻白浪夜哭
者國塲隱隱冒兵仗長箭不敢射獵雪滿弓韞平生書
生氣對之乃愈壯請君爲楚歌歌聲正悲放

卑溼長沙地窮年尙合圍由來投放逐今復戍邊圻行

役旣饑渴居處動遷違關山道阻長六親隔音徹匹馬
日南征春雁復北飛縱使附書至亦難達軍麾薄言無
所控何月予旋歸自顧徒旅中式微而式微

舟行雜咏

我生匪兇虎日與榛莽叢胡爲乎遯蹟竄身荆蠻中去
家數千里音書久未通衰老更無狀亦無親故同經年
事行役風雨一孤篷無異在營窟出入鞠微躬戶牖旣
不達偃卧難爲容敦彼獨寐宿開卷眼瞢瞢思昨浚流
急幾從河伯宮驚魄迷晝夜憂心日忡忡常恐死道路
惻然悲道窮湘水亦北流牟麥已芄芃浮雲無終極頻

首羨飛鴻

春流溢渠岸挂席向江沱匪直爭上游抑籍遠驚波初
擬此谿僻尙寐真無叱轉入烟火繁茅茨蔭喬柯嫋嫋
插漁竿籬落何逶迤坐踏水車翻飽聞田鼓歌春深農
務亟樹藝趁時和牧童更如畫驅犢戲陽坡好鳥關關
鳴亦各安其窠樂土茲云適行旅少經過安知沙磧外
征夫行負戈寄語避秦人豈必託山阿

遣興柬陳默公

離離江上橘踰淮化爲枳士不合時宜異地亦如此嗟
蛇長可惜中夜四五起久客失故交白首多新恥顧念

同里翁薰天富無比垂老尙無兒孳孳較母子

百舌雖云巧夏至亦無聲寒號苟得過敢與鳳凰爭逐
客在窮途相與食班荆中山得二士亦止繫羊羹報施
偶然事故舊平生情胡爲入流俗炎涼若性成

客從遠方來相見情倍歡披雲慰饑渴積思縈百端欲
語中腸結羞稱范叔寒南箕北有斗鬱鬱良足歎向者
學宦游對食常忘餐希心近富貴苟得亦難安

壕黍村

壕黍何年村離離盡茅屋居人百餘家生事在樵牧山
田間可耕種植惟黍穀村北車箱谷亂石雜惡木村西

溪水出溯澗白蘋澳村東結園圃折柳綠山麓村南椒
栗林陰陰氣森肅行人出其下翠滴衣衫綠村中兩茅
店所飯豆與粥行人苟不早半投村中宿村老多白頭
村童多赤足獨饒太古風伏臘相親睦

團子岡

東過團子岡山谷何窈窕羣雉來飛飛野鹿行佻佻幽
壑不可探徑入青谿杳中有茅屋人散髮卧林春種黍
北山雲採芹南澗瀆悠悠歲月晚不識京雒塵我欲卜
其鄰愧予非隱淪感之重歎息長歌懷苦辛

嶺署栽竹

何者爲吾有悠然任所如仕遊苟清暇何必南山廬拓
畦古牆陰豈忍負雨餘移取水東竹栽植自勤劬迴幹
天力厚寔根地靈虛開牕見新綠汎酒延鴻儒便覺幽
光生入座照琴書卽此得已多遑計行與居

塞上

老夫荷戈四十年昔時戰地今爲田垂老無力事農畝
數壠卻在陰山邊生長兒孫苦不早開種山田筋力小
雞鳴獨裹餼糧出月下歸就邊城道沙場白骨誰家子
我來收汝歸蒿里白骨白骨識予不先汝從軍後汝死

季天中遣上陽

朝辭青瑣闕暮宿白羊樊去國三秋月還家萬里魂
邱山臣子罪滄海聖明恩慈母如相念縫衣寄塞

垣

季子投荒去秋聲驛路催焚詩姜女墓跨馬令公臺邊
月悄還近山雲凍不開北風須問雁或好寄書來

薊州道中

離家幾度春風物倍懷人淒斷橋邊柳蹉跎夢裏身遲
遲鄉路近靄靄故山親遠愧仙舟客歸來尙角巾

望盤山

生事寄朝簪年年憶翠岑未逢黃石約空負紫芝心山

寺僧多少松谿水淺深幽人閒結屋何處照雲林

贈陳伯璣移居

重開三畝宅環堵正相宜花落春城晚人歸故國遲
鑑湖元自由鄰笛爲誰吹獨踏庭前月依稀授館時

八月十一生日

遠宦逢生日承歡慰老親不禁南國熱誰道阮家貧
一夏缺鄉信百壺留故人西征雖有賦嬾去達平津

萬里還家遠窮年住此都客來多勸酒醉起自投壺
好月中秋近寒蛩小院孤去留無定日但覺媿潛夫

南州逢董清遠

清遠予鄉同年也令五臺有惠政
棄官而歸耕于蔚州

逢君南粵去執手話江邊京洛一爲別燕雲復幾年還
航桑落酒歸種蔚州田共說爲郎日家貧不受錢

秦留仙客樓小集

迢迢荆楚路匹馬欲孤征雲物關兵氣悲歌變羽聲漫
裁吹笛賦竊媿棄繻生寒暑貪杯酒聊申契濶情

秦留仙赴岳州兩夢見之

薄暮輕爲別扁舟去渺然干戈南國外雨雪大江邊信
宿行應遠登樓望獨縣春來能幾日客夢益相牽

漢口逢驛使寄京書後作

久客浮江漢扁舟無定居春來寒食近老去故交疎計

日催行役臨風檢素書口中銜石闕憑汝說窮魚

再寄京書後作

去國三千里封書欲寄誰杞憂常有淚瓜及尙無期湖
雁歸飛急春江晚漲移獨將萍實采閒弔汨羅祠

送郭方伯石菴回洛陽

寒雨秋江急孤帆白浪新何堪南浦路重送洛陽人宣
室虛前席旄邱老逐臣可知相別後獨旅益傷神

別朱天中前輩

目疾知全愈田乾可慮饑一秋常有夢此別會何時心
緒臨歧亂封書下筆遲衝寒勞令子白首寄相思

別程士哲

忽忽忽分手尊酒暫相寬前路杳無際浮雲良足歎素
交零落甚歸棹雪霜寒幸見彭躬老爲言惜別難

次樂城

久客忘留滯長歌發興賒春風飛海燕虛館放山花馬
渡垂楊緩巾隨落日斜孤城復何處向暮一吹笳

寄姜漚思

今日論交道誰如侍御深一行向歧路萬里背知音庾
嶺下鄉淚楚猿來夜吟不堪從瘴海煩促故人心

柬陳伯璣

病客臥深巷獨行誰與鄰閉門秋雨靜多難道心親古
木夜吹火新詩日送貧君閒如見過隨意著衣巾

大報恩寺逢友蒼言別

正爾未能別相逢暮景斜久疎因在客多病欲辭家夜
雨洗山骨殘春落澗花祖衣休早付待我過棲霞

人曰次徐州

泗上逢人日長亭許更過春雲回白首客夢度黃河舊
俗淮南異前賢沛國多至今小兒女猶唱大風歌

郢上卽事

漢北傳呼萬馬來一船兩槳敢輕開卽今暫泊劉郎浦

何處還登庾信臺蔽日旌旗推衛霍哀時詞賦動鄒枚
龍鍾似是投荒客歲暮囊空短髮催

晚次安陽

萬里歸途此再過十年衰鬢付蹉跎愁隨匹馬秋風緩
行近孤城暮角多隴樹蒼茫連鹿苑銅臺蕪沒傍漳河
兒童不解遺墟恨猶唱油油麥秀歌

答唐豹巖檢討

老眼逢君倍覺明相親如弟復如兄西園已賦十年別
南浦何堪萬里情羈宦久傷劉夢得傳經獨羨鄭康成
從過彭蠡常回望烟水重重隔舊京

送郭仲因內補

念君將別長垂淚況是明朝欲上船
共過南州今獨返同遊京洛復何年
秋帆白浪長江轉舊雨黃花古驛偏
此去到家數千里途中幾見月華圓

憶昉兒

憐兒年少事浮名萬里鄉關只獨行
久客諒無開卷日遠遊應念倚門情
漁陽驛路經春雨浦口江帆計水程
董賈有文能細讀不須惆悵在諸生

酬胡悅之見寄次韻

老向南州廢檢稜獨將風雨寄高朋
閒居漫作論文飲

退食渾如苦行僧江上看雲驚旅雁廚邊分火續書燈
十年留滯歸期晚不謂尊鱸媿季鷹

旅館桐花葉漸稠故園書問隔邊州堂前舊雨催巢燕
夜半長歌憶飯牛客路萋萋芳草細春江渺渺小山幽
思君病渴須茯苓竟答空函寄遠愁

成亮

亮字寅天號仵嵐大名人克輦子順治六年進士
官戶部廣西司主事

大名縣志亮順治六年成進士選庶吉士八年授編修改補戶部廣西司主事幼聰慧慷慨有志節甲申之變羣盜蜂起亮侍父克輦避亂猝遇盜逼父甚急亮以身翼蔽大呼願身代父歸

以刃不動盜義之捨去
居母喪哀毀卒年四十

村居

秋入村居衛水新蕭蕭蹤蹟託荆榛桑田有政供吾課
盤味無兼愛客頻風雨匡牀堪豹隱雲霄枯木半龍鱗
朝朝晚起無多事課子橫經懶不嗔

謝泰

泰字彘征號建侯大興人順治六年進士官湖
廣竹山縣知縣祀忠義祠有蓼集編客中吟

廬見會山左詩鈔流寓傳公登進士知湖廣竹
山縣竹山古之上庸層巖疊嶂猿鳥蹟絕下臨
絕澗幽篁蒙茸人皆鑿罅中行前明餘寇猶據
爲巢窟崇禎初賊鄭七十養甲千人據邑之先

峯寨後為義兒楊明啟所殺仍有其地依張獻忠為聲援又賊老當當五六萬眾盤踞邑中叛兵王二亂襄陽趨房縣蹂躪無遺川寇劉二虎郝招旗諸賊從永歷營來犯前令四人皆為賊害公初至無城郭棲於山頂驚崖寨居民止二十家時川獠千餘人攻天城寨次及驚崖公率鄉勇卻之而楊明啟虎視日久公以守禦未備設計羈縻糜事急乃發書請兵遷民入寨以三十餘人銃二具為死守計即將蔣崇武來援公與合兵深入賊巢先破泥灣寨擒賊婦馬氏諸寨多降遂攻明啟公往來督餉值霖雨月餘恃險漲下不前公禱於伏魔廟天果霽明啟方恃險自若公用降賊計取山後小徑乘夜入破其寨明啟遣復鉤連劉二虎郝招旗等帥萬五千人捲土而來公知驚崖不可守移鐵壁蔣家寨與鄉民八十三人固守時蔣崇武已遷去新帥張士元不任事賊遂破虎伏寨渡河繞鐵壁攻羊角寨公乘閒為書擲搖旗營離間諸賊諸賊果相疑久之知為公所給復進兵入竹山破蛟龍樂豐諸寨遂攻鐵壁時癸巳八月也賊築木城

周山腹二十餘里爲長圍公令鄉勇禦其前自
堵其後前攻者多中鉛子墮崖下自平旦至日
入殺賊二百有奇其攻後者公自擊之殺賊六
百有奇賊乃退後十日賊運竹箭斃賊數十人賊
直上公夜以火毬照之發鳥銃斃賊數十人賊
不得填啞乃以火炮來攻時九月望寨中無水
公祈禱得雨兵士益厲二虎計窮乃與插旗更
代圍守公潛使兩健卒穿木城一赴與安總兵
趙某一起即陽總兵張某求救張援不至唯趙
某呼使者問狀歎息良久乃命參將張德俊副
帥化守登率三千兵星夜赴援時寨水復竭公
入廟卜得凶兆欲自裁忽有四歲啞兒語曰援
兵至矣越一日兵果至圍解公與二將追賊至
太平寨賊多投鶯崖河死餘逆逴遁公前後守
城與賊相持數十日追捕殺獲者無算一邑卒
以獲全經畧洪公承疇上其功遷軍前督餉同
知卒祀忠義祠

從軍行

月在人千里君從月下行不知君遠近惟見月華明斜
漢垂秋澹寒蛩泣露清征旗何所往疑聽夜笳鳴

陳上年

上年字祺公清苑人順治六年進士官廣西布

政使參議

保定府志祺公奉繼母孝事伯兄恭無私蓄無
違言鄉人稱之官廣西布政司參議逆寇破梧

州迫以官毅不受幽

抑以死事聞優卹

朱葵尊江湖載酒集金縷曲送陳參議祺公之
官廣西雁塞分襟驟七年來關河迢遞合并難
偶草草殘春相逢乍通潞亭邊攜手恨不見李
生良久待踐深秋雞黍約奈匆匆畫鷁津門口
萬里別一杯酒丹砂此去鄰勾漏派蠻江人家
兩岸綠榕紅豆才子從軍歸來事况是黃金懸

肘擁千騎弓刀前後聽取連營長短笛
譜武夷溪一山南征又嶺外嶺柳州柳

題馮秋水方伯四知園

暗沼臨華檻平臺俯麗譙四圍青嶂落千尺白雲朝透
壁翻無路凌空忽有橋往迴多許地如歷石城遙
阜粉人爭飾林居此最工右軍非汗漫彭澤本英雄濟
世垂真誥憂時託草蟲更憐嘉會熟隨意到牆東

張宏儼

宏儼字容侯宛平人順治八年舉人有竹香堂
藁

懷崔仰山

羨汝安貧得靜栖
門無車馬下簾低
孤燈夜寂墮梁鼠
深巷晝清聞午雞
衣袖香生含露草
腰鐮根刷帶雲泥
遲君暫過蕭齋話
一榻常懸古蕩西

曉發洛河

峭寒烈烈襲征裘
洛水沈冰結細流
晴色滿山青不盡
雪消東北古邢州

山居

煮茗閒繙陸羽經
甌爐種就火星星
山居請課無他事
消受溫甘水一瓶

國朝畿輔詩傳卷八

終

國朝畿輔詩傳卷九

長洲陶

樑梟薌輯

江都汪喜孫孟慈校

孫奇逢

奇逢字啟泰號鍾元一號夏峯容城人明舉人

國朝以國子監祭酒徵辭不赴道光七年奏

準從祀孔廟有夏峯集十四卷

四庫全書提要讀易大旨五卷孫奇逢撰是書
乃其入國朝後流寓河南時所作前有白序
云至蘇門始學易年老才盡偶據見之所及撮
其體要以示門人子弟原非逐句逐字作解故
曰大旨其門人耿極爲之校訂未附兼山堂問
答及與三無道人李對論易之語別爲一卷對
雄縣人奇逢所從學易者也後奇逢曾孫用正
復取其論易之語散見他著述者五條彙冠卷

國朝畿輔詩傳

卷九

一一

首題曰義例跋稱原本序文凡例皆闕故以是
補亡案奇逢說易不顯攻圖書亦無一字及圖
書大意發明義理切近人事以象傳通一卦之
旨由一卦通六十四卦之義凡所訓釋皆先列
已說後附舊訓其平生之學主於
實用故所言皆關法戒有足取焉
方苞傳奇逢年十七舉萬歷二十八年順天鄉
試先是高攀龍顧憲成講學東林海內士大夫
立名義者多附焉天啟初逆閹魏忠賢得政目
東林諸君子爲黨由是楊漣左光斗魏大中周
順昌次第死獄禍及親黨而奇逢獨與定興
鹿正新城張果中傾身爲之諸公卒賴以歸骨
世所傳范陽三烈士也方是時孫承宗以樞輔
經畧薊遼奇逢之友歸安茅元儀及鹿正之子
善繼皆在幕府奇逢密上書樞輔樞輔以軍事
疏請入見忠賢大懼繞御牀而泣以嚴旨遏於
途而世以此益高奇逢之義臺垣及巡撫交薦
屢徵不起樞輔欲疏請以職方起贊軍事使元
儀先之奇逢亦不應也其後畿內盜賊數駭容
城危困乃攜家入易州五公山門生親故從而

相保者數百家奇逢爲條教部署守禦而絃歌
不輟國朝定鼎以國子祭酒徵有司敦趣卒
固辭移居新安旣而渡河止蘇門百泉水部郎
馬光裕奉以夏峯田廬遂率子弟躬耕四方來
學願留者亦授田使耕所居遂成聚奇逢始與
鹿善繼講學以象山陽明爲宗晚年乃更和同
朱子之說其治身務自刻砥執親之喪率兄弟
廬墓側凡六年人無賢愚苟問學必開以性之
所近使自力於庸行其與人無町畦雖武夫悍
卒工商隸圉野夫牧豎必以誠意接之用此名
在天下而人無忌嫉者居夏峯二十有五年卒
年九十有二天下無知與不知皆稱曰夏峯先
生

魏裔介傳徵君弱冠廬墓固已有王偉元之風
及左魏諸君子被黨禍一時知交削跡遠邇惟
恐波連徵君爲求援於樞輔醵金於襟民雖未
能出之死地然當逆璫繞泣御前時其勢燄亦
稍減矣烏知非怵於王庭之揚也然害卒不及
可謂善全其用者矣累經徵辟終不肯就以孫

樞輔之賢至契好友而不能屈其德純故不求世知其道隆故不爲時用易曰鴻漸於逵其羽可用爲儀徵君之謂也

湯斌孫徵君墓志順治初公絕意仕進移家其城闕兼山堂讀易其中涵養益邃每晨起謁先祠畢退居一室誠心端坐卽疾病未嘗有情容聞節孝事必爲表揚先賢祠祀廢墜者倡衆修葺著有理學宗傳四書近旨讀易大旨書經近旨聖學錄兩大案錄甲申大難錄答問口譜畿輔人物考中州人物考孝友堂家乘四禮酌孫文正公年譜取節錄蘇門紀事共若干卷又序先生於道慎擇約守發爲文章皆躬行心得之餘未嘗有新奇可喜由其說而持循之人人可以寡過爲當代理學大宗其于文中紫陽何如非所能知其有關於世道則一而已矣紅豆樹館詩話徵君講學蘇門從者腐集巖棲谷飲雖不乏人而如中州湯文正公諸人皆從之遊出爲興朝良佐勲業彪炳載在史冊昔文中子講學河汾而房杜諸公皆其所造就此

一代氣運所係非偶然也徵君詩多樸實說理
而品學卓越如岱頂蒼松豈屑與吟風弄月之
輩較短
長乎

述祖德

維我始祖肇自興州文皇召徙各卜一疇賈氏之莊爲
世首邱代乏聞人桑土綢繆遷居北城會祖庇庥邁蹟
我祖始衍箕裘締造維艱敢忘前修

於維我祖人號佛兒淳衷質行面背無歧年近知命始
薦棘闈十年作吏冰雪自持宦雖不達人信無欺子孫
曾元繁衍維祺祖德維馨令譽永垂

於維我考是謂克家兄弟異乳門內多譁考心用傷動

忍彌加前承後啟矢志何涯色養北堂獨力孔嘉豪士
悲歌野老桑麻彥方君實攜手同車

於維季父訥訥古人不達世務不入俗塵寧固寧儉獨
守其真與物無競返樸還淳下董生帷守原憲貧我從
問業不墜迷津司鐸鄴下教澤猶新

惟我伯兄賦性磊落人所牽纏片言領畧雖值家乏意
忘寂寞杯酒浩歌情有餘綽保安鄉曲輯強扶弱居荆
軻里奉劉琨約兄也實師父命從學

惟我仲兄賦性和易履道坦坦蕭條高寄義激於中璫
禍不避悍使之馴貴不敢媚得飲酒清晰涉世義長而

有述老學更遷庶幾有聞以醒爲醉

祖爲廉吏弟能繼之考有懿德弟能宣之爲人爲子庶
其無虧朋友切切兄弟怡怡武學七載不怕鬼窺武城
年餘不慮人嗤無百畝田有萬首詩

憶三君 并序

三君者謂無錫高景逸關中馮少墟吉水鄒南
皋也三先生於神廟時聚講京師偶觸其遺事
悵然恨昔日之未獲一見也因追憶之以志企
慕

憶昔神廟間海內推三老都門設講堂福清爲主道時

彥蔚如雲日夕資探討我時遊京師攝衣欲往造友人
偶有見尋師當自考未幾三老去我亦竟潦倒今逾三
十年海內鮮盟好後輩律前輩方悔見未蚤初疑賢才
生天地實浩浩曾閑與由賜接踵入懷抱誰知竟不然
其人非易保卓哉三君子立身如日杲言爲世羽儀披
對塵心掃古人異代交猶思薦蘋藻我雖覲面違私淑
豈草草

秉燭吟

客裏逢人曰草堂一題詩題詩識夙昔非以耽文辭五
十謝公車八旬坐書帷白頭竟如斯辜負垂髫時因思

衛武公耄年何所窺獨此嗜學心想見有循持人莫不
飲食其味鮮能知人莫不由戶由道者其誰合則一切
合離則一切離非可冒昧承冒認祇自欺乾坤原易簡
陰陽自偶奇時物任行生俯仰夫何疑古來賢達人別
是一鬚眉秉燭光幾何勉勉有前師

人日

百樓逢人日行年五十七往事抵掌間酸流骨孔出
無負郭半終鮮治生術春官十一上匹馬歸來疾自分
甘林壑富貴非其質此行雖勉赴筋力已全失幸有清
修人所學稱入室朝夕共嚶鳴何事不可畢有兒已成

行長幼頗秩秩大者知名行小者亦和吉兄老興尙酣
弟復工音律天以娛我老竊附民之逸

贈慶堂老人

燕國有遺老曾爲魏博士八十赤子心明目猶聰耳囊
中無一錢盤餐且盈几坐逢吳廣文亦是古君子談偶
及文人猥稱吾敢美觸我憶弟懷欲行仍復止借憩帝
君傍寤寐思所履疎者可使親親者豈容委亡室君女
弟君室我從姊回首憶往昔百感齊集此

贈竹苞

憶昔識荆日忽驚三十年謀生笑我拙聞道喜君先署

冷心無滓官微教有權此來聯舊好前輩自名賢

長至

日降長至雪霜深倚榻圍爐酒自斟一代是非誰共語
百年感慨入孤吟閒從竹石同幽夢靜向琴書寄遠心
此際陽生人不覺貞元消息好相尋

客榻

暮春猶自怯寒侵一榻南州意獨深莫遣塵情封面目
好從清夢見天心傍依豈是安身訣訓詁終非度世鍼
攜得白沙詩幾首幾回臥起幾回吟

抵東昌以詩謁蓬元先生

言念真人天際看清風鼓我入煙巒紫雲已臥東山謝
青海猶傳西夏韓道在豈虞天地老心閒殊覺夢魂安
卅年仰止登龍晚願共滄溟理釣竿

登禮賢臺

偶爾踰垣一癖士繫人千載式廬心雖云古誼今難再
事去臺荒蹟可尋

劉仲涵園牡丹盛開

爛漫花香人羨奇賞花偏向未開時乾坤不盡開時色
爲屬東君好護持

悼兄

竹馬肩隨近古稀白頭心事更依依荆花落盡難歸樹

目斷天空一雁飛

李孔昭

孔昭字光四號潛翁薊州人明進士入國朝

不仕有秋壑吟一卷

寶坻縣志孔昭天性孤峭崇禎癸未成進士見世事日非不赴廷對奉母隱於盤山我朝定鼎求遺賢撫按交章薦謝病不出一日當道遣吏持書幣往過負薪者呼問若識李進士耶負薪者張目曰問李進士奚若吏具道意乃以手遇指負薪去吏至其室虛矣鄰叟曰若面失之向所見負薪者是也後屢物色之卒不得當道太息而已寶坻劉繼寧方擇師慕其高義固請許焉每一念母雖深夜必歸庚子卒門人私諡曰安節先生

梁清標傳初孔昭聞都城變白衣冠哭田間者
三歲喪妻不再娶奉老母入盤山躬自樵採形
蹟數易人無識者鄉里感其義有某孝廉當上
公車輒止不行曰吾出郭門一步何面目見李
光四乎

紅豆樹館詩話處士愛陶詩晚自號潛翁蹟其
出處亦與靖節同與杜文端公立德少同學長
同年寄文端詩曰黃門青瑣君思我流水高山
我憶君時當道微辟文端勸駕而處士招隱一
時傳爲佳話梁蒼巖相國登盤山訪同年李光
四不遇留詩云憶昔看花傍帝畿十年避弋羨
鴻飛登山欲問湘江叟風雨冥冥冷釣磯商邱
宋中丞攀桃花寺弔李光四處士句云鹿裘邈
何許猿鶴尙思君山高水長其風可想又處士
句棋爲輸人歇琴因好我隨嶺同詩骨瘦雲比
道心濃皆別有寄託也

九日飲香林寺

秋野曠無窮登臨心欲空白雲浮古寺落葉冷西風人
醉高臺暮樵歸遠樹紅年華今又晚懷想在陶公

題董元宰山水

尺幅數千里澄觀可曠神山深微見寺村小靜無人嶺
樹疑含雨溪橋定隱鱗世間有此地應住避秦民

題畫山林

山色四時碧懸泉今古流遠崖何代寺近竹幾家樓水
靜紋成練松高枝半虬草亭人對奕勝負未曾休

盤山李靖庵秋日作

古刹高山秋早寒幽居清景隔塵寰天空野色連窗際

國朝畿輔詩傳

卷九

八

人盡風聲在樹間
片月獨涵潭水淨
萬松長鎖白雲閒
靜中禪客無聞見
嘹唳西風雁自還

秋對蘭坨村留別春林

暑雨閒堂日對棋
秋風蛩砌動遊悲
劉伶送客百壺酒
李愿歸山兩袖詩
燕塞樹懸孤竹月
蘭坨人繫薊門思
懷君欲獻延年藥
採菊相迎霜降時

杜越

越字君異號紫峯定興人明諸生康熙十八年
薦舉博學鴻詞未試

特授內閣中書有

紫峯集十四卷

四庫全書提要紫峯集十四卷杜越撰是集乃其門人楊湛等所編凡詩四卷詩餘附焉雜文其十卷越受業於定興鹿善繼平生惟以砥礪行誼講明道學爲事故鄉里推爲耆宿而文章則非所長湛等所編旣多錄應酬代筆之作又不甚諳體例其雜錄中有龍王廟募緣一篇乃七言古詩而編於文中其所作祠聯壁聯書齋聯一備載尤爲冗雜玉山雅集載聯額別自有義非此

之謂也

畿輔通志越與孫徵君奇逢友善互相砥礪學成以修不求知達一時名彥無遠近咸師事之王餘祐杜先生墓志鹿忠節倡學江村四方景從公首執贊究極理奧忠節特異之因字曰君異乙丙間璫焰灼天下偵卒如蝟有異議者輒行羅織范陽尤逼璫耳目左浮邱督學畿輔於公稱知遇左罹璫禍而魏忠節廓園周忠介蓼洲兩先生亦被逮公毅然曰恥不與黨古誼豈遂絕乎乃同鹿封君孫徵君倡同志釀金納贖不少避時廓園子學伊蓼洲友人朱祖文俱納

廣柳匿江村公周旋復壁間卽甘株坐如飴也
公於書無所不觀發爲詩文刻峭深秀自閭堂
與性工書愛藏真帖而蒼秀飛動實過之求者
戶限幾穿戊午開博學宏詞科公不就試嘗語
名最誤人因題壁混蹟依鷗近
藏名應馬真蓋心有所深省云
王士正居易錄定興杜君異先生鹿忠節高弟
家貧教授生徒以給餽粥羸羸衣褐苟完而已
卽束脩亦不受孺人與同志紡織佐之與人處
油然和易終身無疾言怒色而剛介絕俗有壁
立萬仞之概亂後居新安新安人化之風俗一
變老嫗婦孺親如父兄年八十餘飲啖不衰縣
人高尚問以養生之術曰無之但平生未嘗嗔
怒或以此得老壽耳所著紫峯集趙少司馬玉
峯士麟爲刊行趙云至聖言過勿憚改若先生
則無過可改揚常少敬菴爾淑云先生年八十
五未嘗一日不樂予謂邵子居洛四十載
安貧樂道生平未嘗攢眉先生殆庶幾矣
李富孫鶴徵錄先生志行高潔不求聞達家貧
布衣蔬食授徒自給一時名彥咸師事之薦舉

至都以老病請於吏部不與試故部議不及
特旨以文行素著與傅山俱授中書是時
年八十有四自
古未有之典也
按紫峯先生晚年舉鴻詞科與傅山人青主
以病同不就試故編其詩不入鴻博卷中

夏日書事

長夏恒掩關蕭條寡良晤連陰晝不開時見雲奔赴未
卽成滂沱淅瀝驚高樹纔聞檐霑息又灑谿邊路花落
滿莓苔墀誰緩步久病獨支離陰霽莽迴互蛙黾亦
何多叫噪垂楊渡

楊志祖見詒忠愍手蹟

搨得平原帖行間暈日星丹楓留草疏翠竹失蘭亭筆

想拳應握書傳墨尙馨文孫存氣骨脫贈意惺惺

王餘祐

餘祐字申之一字介祺新城人明諸生有五公

山人集十四卷

四庫全書提要五公山人集十四卷王餘祐撰
餘祐本姓宓先世爲王氏後因不復改明末避
亂易州五公山因號五公山人後流寓獻縣子
孫遂爲獻縣人餘祐在前明爲諸生受知於桐
城左光斗喜談氣節其學則出自容城孫奇逢
定興杜越以砥礪品行講求經濟爲主故立身
孤介刻苦有古獨行之風然恒以談兵說劍爲
事又精於技擊喜通任俠不甚循儒者繩墨其
詩文亦皆不入格考證尤疎如謂西洋呼月爲
老瓦杜詩莫笑田家老瓦盆卽月盆也如月琴
月臺之類取其形似按歐邏巴人至明萬歷間
利瑪竇始入中國杜甫何自識其譯語又謂古

詩爲樂當及時焉能待來滋滋爲草名又名鯀
變易於滋長卽藤也按古詩本作來茲字本呂
氏春秋今茲來茲猶今年明年高誘註甚明餘
祐殆見悞本古詩茲字加水因生曲說又題灘
水亭印藪稱本說文正譌玉篇諸書周伯琦六
書正譌論雖偏僻猶是篆體顧野王孫彊之玉
篇則全是隸書何與摹

印之事亦太不詳檢矣

魏坤傳明天啟間閩人魏忠賢竊柄賊害忠良
余從祖忠節公被逮詔獄從父子敬公尾緹騎
後徒跣至京師時邏卒如蝟夜行晝伏置定興
鹿太常家大河以北相與周旋患難奮不顧身
者有容城孫蘇門徵君范陽張果中布衣杜紫
峯處士獻縣高斗南鴻臚雄縣李華五秀才以
及徵君之門人五公山人其一也山人一生而英
敏善讀書年十六補博士弟子員桐城左忠毅
公視學畿輔覽其文奇之隨繼父恢娶公之任
臨邑歎食祿者不能實心任事條列時弊數千
言上之拂當事意調魯山實困之也時流寇充
斥山人見時不可爲勸恢嬰公解組歸未幾遭

本生父維嬰公之變痛不欲生又念恢嬰公老
身死缺養乃奉二親廬於易州五公山之雙峯
村躬耕犂犂給甘旨暇則述作不入城市者垂
三十年故世稱五公山人云當鹿忠節公倡道
江村山人年尚少從之遊自魯山歸師事孫徵
君益闡性命學徵君深器重之後過范陽又受
學於杜先生其學以明體達用爲宗閑邪存誠
爲要原本忠孝敦尚氣節凡古今成敗治忽事
機得失以至一名一物一藝一術無不留心究
析始則吁衡時事慕陳同甫之爲人垂老讀史
至謝臯羽鄭所南諸君又未嘗不掩卷流涕也
生平慷慨好施予縮衣節食無弗於友朋是力
及交遊餽遺介然不屑受卻金之節世咸重之
晚年應獻陵書院之請爲生徒講解穿穴經史
剖抉性理皆別出新義著有居諸編
乾坤大畧諸葛陣圖通鑑獨斷諸書
李興祖序先生博極羣書自禮樂兵刑下至耕
桑藝植醫藥卜筮無不窮析端委極縱橫上下
之識數千百年事如燭照數計及指陳得失蒿
目時艱真有坐而言可起而行者乃巖栖谷飲

齋志以歿不得見諸敷施爲可惜也先生嘗語及門曰詩本性情必以忠孝爲根抵子美入蜀子瞻海外忠君愛國之念肫然於中觸景流連遂爲詠歌嗟歎不已學古文先正心術心術正則理足氣昌醇如董江都愷切如陸敬輿自無牛鬼蛇神之習余至今佩服不忘

雪後寄田治埏

冬深白雪寒山遠
烏薪貴伊人寂不聞
得無折膠畏凍雀
棲僵枝寒兔蹲
蒼卉萬物當枯槁
嶺梅正香沸所以
天地心剝盡復當
暨寄語拈花人笑
閱嚴凝氣

二士吟

人誰無意氣勢壓輒卷舌
化作繞指柔未語喉已結
吾黨有直者百摧氣不滅
公義在人心疾風知勁節
毒燄

烈於火傲骨勁如鐵倘令居廟堂朱雲檻可折倘使臨
戰陣巖顏頭可截噉彼從流人空腔本無血

野牧篇

貞白當年畫兩牛一牛驅策金籠頭一牛閒散恣水草
牧放田野何優游水中墟邊野牧子超世適情正如此
十畝爲園半畝宮老守蓬蒿足經史九載孤居似輞川
半世逃名如栗里多年足蹟不入城袖詩跨蹇市人驚
非因失稅倉皇過卻遇論文子細評水墨數枝羞富貴
麻衣幾部藐公卿手持松花索題字愧余此道無斌媚
悶揮不律草長歌留與隱居作同志

土室初成漫賦

當年志和耽枯槁築室越州殊草草片椽不解施斧斤
豹席椶履恣幽討時有觀察陳少遊訪嫌門隘不堪掃
特爲買地拓其居回軒至今人爭道我家僻巷臨清漳
自擬十洲浸三島壘土爲室不設門日月出入雨亦好
蓬蒿滿徑護幽棲經史堆壁富良抱有客蓬頭坐捫蝨
哆口縱談及莊老高車駟馬總不過牧豎樵夫時一造
明春思結稻香閣臥督春耕看晴昊鳩巢三柴足經營
鶴棲獨樹亦壽考丈夫適志在隱淪豈必居處工華藻
淡薄寧靜有成模畎畝之中蘊至寶四海風塵任喧寂

平地山林長熙皞

彭孝女割股療叔

阿叔事嫂如事母阿姪事叔如事父共本庭幃愛未分
生意相關同甘苦阿叔有恙女心悲豈惜霜鉞割雪股
德鋤諄箕伊何爲只緣一體各肺腑若使華萼不殊榮
肯教枝葉偏遭腐使君恩義定超倫此女顧復不異親
膝前怙恃真情重感激由來等二人

三秋未到愛竹軒冬初小集卽席賦

菊月稀來訪相邀及小春瓶花寒更豔家醞醉尤醇琴
韻消塵累吟情羨古人坐深忘去住潦倒任天真

與朱貞明話舊

四十年前事依稀昔夢中相看悲髮白共對羨花紅不
作漁樵計還憑著述功夜來明月下細訂此心同

靜處

靜處無餘物隨緣事事齊倩人常送柬隔舍每呼雞種
火因蒿纓塗房就雨泥更多乘興處薙草過前溪

深秋自灌藝居過漳橋

吟詩出小塢瘦蹇閱田園曲岸高低樹平疇遠近村紅
黃秋葉色濃淡野雲痕前去橫舟渡滹沱水欲噴

步答魏澹園

平生豪宕意白髮作閒人倚馬心猶壯屠龍技已貧酒
杯妨病眼詩卷累餘身勗我真良藥躊躇動遠神

贈一心上人

鐵衣著盡後撒手入禪林法水涵腥血流雲淡熱心半
龜眠石榻一衲傍松岑新遇藏山叟忘機聽鳥音

用寄陳謫公韻示文輔

後世人難問先憂計總疎已淪中下策空負短長書交
自分今古吾誰問毀譽壯心看漸冷且共老江漁

閒居

不作繁華夢閒居致儘幽入門安犬窟出寺上僧樓桃

食頻藏核書鈔旋記籌近來牀架滿方藥雜詩籌

贈寂如上人

閱盡滄桑變江湖一葉身逢人休說法入世却離塵鷗
渚看常盡松風聽自真書窗連夜話茗椀總經綸

弔朱貞明

一生俠烈氣熱血沸重泉力屈空填海魂歸欲叫天淒
風悲馬鬣苦月冷漁船蘆荻蕭蕭處誰憑義士阡

過立節弔袁紫烟將軍

一世英雄氣蕭條何處歸龍精埋地血馬革繡苔衣空
憶頻陽臥難籌卽墨圍遙憑宿草墓雨淚不勝揮

步魏澹園韻

終日坐林端閒聽鳥雀歡避喧無樂土得隱是王官草
樹經霜苦江山入夜寒所籌不易就天外舉頭看

重過廣福寺舊日留題悉爲僧洗去因示趙一六
重披苔徑過雙林舊日留題竟陸沈洗壁猶嫌名已贅
步筇我與世無心地偏應有烟霞癖綠靜仍思鐘磬音
得子尙羊成狎晤往來莫厭酒杯深

寄覺明上人

振衣歸去隱幽嵐半壁脩篁一勾潭倚石有時題硯北
拜書偶爾效和南谷深人語緣樵徑林靜經聲想佛龕

莫怪邱園清興劇遠公會約結高譚

偶句足成有懷山中諸友

雲樹千層水一灣幽人此際好閒閒釣磯坐去攜殘卷
樵斧腰來耐遠山甯子不離牛口下石生何事馬蹄間
總無長統良田樂邱壑生涯足閉關

偶感

三徑荒蕪豈邃居鳥巢魚窟更安如逢人只合長緘口
避客終當諱讀書船入竹中聊斷問蘭生道上亦妨鋤
從今玩世休希阮一味猖狂計尙疎

偶興寄示魏澹園

春來楊柳幾枝枝盡日關門懶賦詩客爲厨貧相過少
家因山遠去看遲閒中避疫憐殘喘臥內書符賺小兒
料得渡頭爲圃伴杏花春雨足相思

癸丑省墓始讀參甫橋梓及光遠瑞齋界埏治埏
爲先君亡兒鐫立墓碣雅誼昭然不勝感愴惻
然賦之

三年兩度拜墳塋枯草寒烟感愴生荒冢傷心遊子恨
新碑墮淚故人情九泉何處澆杯酒八口終朝滯客程
寂寞青山千古意不堪回首暮雲橫

讀史

六國分肌啖虎狼馮亭歸趙慮應長廉頗合使終堅壁
毛遂無嫌緩處囊上客徒知憂內盡羣英誰解念屠亡
千秋高義惟東海萬乘談空豈爲梁

宮姬冢

故宮隨國破遺蛻逐塵埋冢畔游龍草盤盤似鳳釵

同介侯往巖下

欲共登臨興正新瘦驢短策踏莎茵莫愁前去無知己
一路青山盡主人

賦懷

一杯到手萬緣空十載論心此夜同不惜乾坤留夢蝶

國朝詩集卷之四
敢將毛羽付冥鴻

輓徵君孫夫子

一世清霜徹骨清
兩朝輪幣九州名
少微星暗江河淚
慘淡人寰罷杵聲

飲十錢社步允升韻

一觴一咏一閒身
桑海年來閱歷頻
隨場浪作醉中人
老夫薑桂意

寄嵩高

春雲流雨漲江沙
幾處漁舟傍落霞
煇擔輕挑思喚渡
晚風立盡夕陽斜

贈蕭和陽

一徑蓬蒿半畝居
短垣雲度總蕭疎
逢君青眼開塵榻
細閱中郎枕內書

偶感

春來萬木綠芳齊
多少遊人聽鳥啼
可惜城南紅杏發
無人載酒上唐堤

示壽伯

一曲春流抱竹叢
數間瓦屋石橋通
四圍盡是青山繞
西北高雲罩五公

齋中

國朝詩集卷之六
紫姑自覓蔡樽家一室琴尊對五車門外升沈都不問
年來心事寄南華

哭亡子咸

膝下承顏十四年囊詩猶貯隱山篇童烏七歲參元理
未肯楊家一類傳

入門滿眼總成悲遺佩殘纓尙陸離事事爲兒收拾好
似兒猶有再來時

魏一鰲

一鰲字蓮陸新安人明舉人官忻州知州祀鄉
賢有雪亭詩草

蒼巖山限韻

山怒拔天外雲閒不受拏檀林失白日藥草薦新茶礪
陡梯登岸樓空疊放花黃昏鐘磬發驚起欲棲鴉

張拱垣南師山莊

一水下園蔬千山環敞廬曉雲填斷嶺暮鳥喚歸鋤樹
蔭天疑雨沙明蟲著書無勞知魏晉午夢正蘊蘊

王體健

體健字清有曲周人明諸生有讀騷齋詩集

曲周縣志體健介子前明諸生伉爽有奇氣值
兵荒苦盜以什伍法部署里人皆獲無恙國
初棄舉子業從夏峯孫徵君講性命
之學深入突奧喜爲詩入元白之室

申涵光序清有先生晚篤理學而好詩不衰負
笈蘇門觸緒成詠所謂見周茂叔後吟風弄月
有吾與點
也之意

和陶飲酒詩

千載仰高風常懷郭有道託志苟無欺窮困何辭老自
幼寡歡諧因之就枯槁不知與捷足相視孰爲好我聞
古人言人生各有寶仲子匪能廉猶當推物表

擬明月皎夜光

四時遞成歲鳴雁一何悲月色照霜華九月尙無衣我
有貧賤友誓願不相違一朝處異地春榮對秋萎南箕
與北斗徒有虛光輝

韓烈婦

潁陽甲馬幽州兒東向關門隨貳師天子數下軍中詔
將軍醉臥氍毹笑平時紀律幾曾聞此日遺憂在廊廟
人傳鼙鼓塞垣入士卒已指鈴閣叫日章子婦韓鐸妻
一旦生縛馬上啼飛光神慘沙塵暗冰腹寒侵草樹低
初望能歸尙一可歸旣不能須殺我常山今爾屬蛾眉
霜刃斜飛僵道左腦血相看交迸流孤魂應逐秦雲秋
丈夫空有纒常賁汗簡何人紀惻隱

高 鐸

鐸字薦馨清苑人有淵頴集四卷

織輔通志鑄嗜古善書得米襄陽筆法著述甚
富詩有陸舟蘆中依雪浮家四集雜著又有義
烈金蘭等編

池北偶談淵穎嗜酒好遊名山水自負饒鑿每
得句必題詩手鐫之常游林慮竟日忘返聞峯
下耕者喧呼回視向所來處乃知衝
虎過也其門人陳傷謁公編其集
紅豆樹館詩話薦馨從容城徵君游嘗撰義烈
編紀甲申三月二十四日流寇陷保定死難諸
人纖細無遺所居在白洋淀側地多葭葦自號
蘆中人蓋亦振奇慕義之士也詩多獨造語春
愁曲一篇尤
神似李昌谷

題楊生壁

谿山無俗情雲夢深昏曉歸訪素心人路闌光已杳看
烟投一林霜滿孤村小燈火夜方靜清言佐佳醪淡月

影沉沉衡宇幽花繞

飲寒影齋

古壁滿青熒香甕欲掀倒所憐癯影寒春緒發幽嘯小
枝晚破冰疎斜呈澹妙杳無夜笛吹有力風難掃依然
太古時月落成元縞

招隱詩

購彼西山田開荒翦荆榛丹葩恣流覽白雲怡心神雖
無爵服榮豁落全其真幽人時往還話此屈與伸良苗
濯小雨離離無纖塵可以慰長飢策杖娛良辰

經始東海廬徘徊觀古今瀟瀟無津涯樂是書與琴明

月如好友皦皦流素林載仰鴻翱翔載俯魚浮沉飛榮
忽如無患難安能侵遐哉仲連武律光衆所欽

柏山

杖拖帶秋雲迢迢躡層嶺長林半葉紅朝旭倒其影一
徑入深荒到寺塵心屏竹樹何蕭蕭水泉何泠泠寄靜
愛山僧引勝窮靈境週圍嵐氣合中矗蓮峯靚老柿密
參天居人類箕顛

東園

爲園七畝邀晴峯選花購石開荒窮榮眼葳蕤在霞外
高月遙遙照夕空春光九十如走馬人情爭向傾杯竿

三時不收義和鞭
冬秋欲候先迎夏
妍淒互易筆追寫
歡娛牢落那能假
欵阡細徑閒余步
歸來小閣翻書素
惻惻悽悽嘯愁鴉
幾見郊原獵寒兔

春愁曲

溼烟柳岸隔蘭若
迴塘澹白春漠漠
寒姿晚態小窗閒
梅風吹動春衫薄
鷗翻流浪點青渠
綠房幽韻耐攤書
雲北雲南牽不斷
長眉愁結懸如綫

國朝畿輔詩傳卷九終